



Kristian Jeremiassen
Inatsisartunut ilaasortaq, Siumut

AUL pillugu § 37 naapertorlugu apeqqummut nr. 2011-42-imut akissut

24. feb 2011
Sagsnr. 2011-045819
Dok. Nr. 571653

Asasara Kristian Jeremiassen

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Arctic Umiaq Line A/S-ip Qeqertarsuup Tunuani angalaartanera pillugu apeqquteqaravit Ineqarnermut, Attaveqarnermut Angallanermullu Naalakkersuisoqarfik ingerlatseqatigiiffimmut saaffiginnissimavoq.

1. Arctic Umiaq Line A/S-ip umiarsuaa ilaasunik angallassisoq periarfissaqarpa Kangaatsiamut ilaasunik aqqusaarsisarnissaminut?

Arctic Umiaq Line A/S ilisimatitsivoq sinersortaat Sarfaq Ittuk Kangaatsiamut tulassinnaasoq. Taamaattorli umiarsuaq ingerlaarnissamut piffissakitsuararsuuvuq. Umiarsuaq Qaqortumit ingerlaarnini naammassillugu Ilulissani 4 tiimit missaannaanni talinngasinnaavoq. Talinnganera ilaatigut umiarsuarmik eqqiaanermut piareersaanermullu, teknikikkut iluarsaanermut kinguaattoorutaasinnaasunillu angumersiniarnermut atorneqartarpoq. Umiarsuarmik ingerlatsinermi aqutaani apuunnermilu umiarsuaq piffissami aalajangersimasumi talinngaffeqartariaqarpoq.

Sarfaq Ittuk aamma Kangaatsiakkoortalissappat – illoqarfiilluunniit allat aqqusaartassappagit – Arctic Umiaq Line A/S naapertorlugu tamatumani talinngasarnert sivikillineqartariaqassapput, tamannalu talinnganerup nalaani suliassarpasuit pissutigalugit ajornakusuussaaq sukkanerusumilluunniit ingerlasoqartariaqarluni, tamatumani ilu ikummatissamik atuinertortoqassaaq aningaasartuuteqarnerulertoqarlunilu.

2. Arctic Umiaq Line A/S-ip umiarsuaa ilaasunik angallassisoq kangaatsiamut tikinneq ajorneranut suna patsisaava?

Arctic Umiaq Line A/S naapertorlugu Sarfaq Ittuk Kangaatsialiarneq ajorpoq, angallavissaaq Kangaatsiaq-Aasiaat Disko Line A/S-imit angallavimmi tassani angallassinissaaq pillugu Namminersorlutik Oqartussanut kiffartuussinissamik isumaqatigiissuteqarsimasumit angallavigneqartareemat. Arctic Umiaq Line A/S naliliivoq Kangaatsiami angallassinissamik pisariaqartitsineq Disko Line A/S-imit isumagineqartarpoq, kiisalu angallassisut ilaneqarnissaannut ilaasussat naammangitsut.

Saaffiginnissutinni ernumagalugu oqaatigaat Kangaatsiarmiut Aasiannut namminneq ingerlasariaqartarnertik pissutigalugu pisariaqanngitsumik ulorianartorsiorlutillu unnuinermut aningaasartuuteqarnerulertartut.

Arctic Umiaq Line A/S-imiilli ilisimatitsissutigineqarpoq ingerlatseqatigiiffik aamma Disko Line A/S ingerlaarnissamut pilersaarutinik ataqatigiissaarisartut. Sarfaq Ittummik **Kangaatsialiaartussat** sinersortaap Aasiannut tikinneranit minutsit 15-it qaangiunneranni Aviaq Ittummik ingerlaqqissinnaapput. Taamatuttaaq **Kangaatsiameersut** ulloq taanna Sarfaq Ittummut ilaallutik sineriammut ingerlaqqissinnaapput. Kinguaattoortoqalaassappat ingerlaqqiffiusussap Aasianni utaqqisarnissaa pillugu umiarsuaatileqatigiit isumaqatigiissuteqarput, ilaasut angalanertik unitsinnginniassammassuk.

Taamaattumik isumaqarpunga Kangaatsiarmiut Qeqertarsuup Tunuani illoqarfittut allatulli tamanik angallassinermut tunngatillugu assigiimmik pineqarnissaat qularnaarneqarsimasoq.

Neriuppunga Kangaatsiamik angallassineq pillugu eqqarsaatinnut tunngatillugu akissutit qulaani allassimasut atorsinnaasutut isigissagitit apeqqutinnullu qujarusuppunga.

Inussiarnersumik inuulluaqqusillunga

Jens B. Frederiksen